

---

**DEREITOS DE ENTERRAMENTO, INHUMACIÓNS E EXHUMACIÓNS**

Inhumación en panteóns ou nichos	50,00
Traslados de cadáveres procedentes doutros cemiterios	25,00
Exhumación a outros cemiterios	20,00
Exhumación dentro do propio cemiterio	30,00

---

**TRASPASOS DE TITULARIDADE**

Por herencia, cada nicho	12,48
--------------------------	-------

---

**ILUMINACIÓN NON INTERIOR DO PANTEÓN**

Por cada panteón	25,00
------------------	-------

---

**OUTROS ACTOS INTERVIVOS**

Venda e doación: o 10% do valor segundo valoración da Ordenanza.

**9) ORDENANZA FISCAL REGULADORA DA TAXA DE EXPEDICIÓN DE DOCUMENTOS ADMINISTRATIVOS.**

*ARTIGO 1º. NATUREZA E FUNDAMENTO:*

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do réxime local, e de conformidade co disposto nos artigos 15.1, 25 e 27 do TRLRHL aprobado por Real Decreto Lexislativo 2/2004, de 5 de marzo, acordase a imposición e ordenación da Taxa por expedición de documentos administrativos.

*ARTIGO 2º FEITO IMPOÑIBLE:*

1.—Constitúe o feito imponible da taxa de actividade administrativa desenrolada con motivo da tramitación, a instancia de parte, de toda clase de documentos que expida e de expedientes de que entenda a Administración ou as Autoridades Municipais.

2.—Para estes efectos, entenderase tramitada a instancia de parte calquera documentación administrativa que fora provocada polo particular ou redunde no seu beneficio aínda que non mediara solicitude expresa do interesado.

3.—Non estarán suxeitas a esta Taxa a tramitación de documentos ou expedientes necesarios para o cumprimento das obrigas fiscais, así como tampouco as consultas tributarias, os expedientes de devolución de ingresos indebidos, os recursos administrativos contra resolucións de calquera clase e os relativos a prestación de servizos ou realización de actividades competencia do Concello.

*ARTIGO 3º SUXEITO PASIVO:*

Son suxeitos pasivos en concepto de contribuíntes as persoas físicas e xurídicas e as entidades as que se refire o artigo 35 e 36 da Lei Xeral Tributaria, que soliciten, provoquen ou que teñan interese no que redunde a tramitación do documento ou expediente de que se trate.

*ARTIGO 4º RESPONSABLES TRIBUTARIOS:*

1.—Responderán solidariamente das obrigas tributarias do suxeito pasivo as persoas físicas ou xurídicas as que se refire o artigo 42.c) da lei 58/2003, de 17 de decembro, Xeral Tributaria.

2.—Serán responsables subsidiarios as persoas ou entidades sinaladas no artigo 43 da Lei 58/2003, de 17 de decembro, Xeral Tributaria.

*ARTIGO 5º COTA TRIBUTARIA:*

A cota tributaria determinarase por unha contía fixa sinalada segundo a natureza do expediente ou documentos a tramitar, de conformidade coas seguintes tarifas:

DEREITOS DE EXAME	
Prazas grupo A1 ou asimilado	57,20 euros
Prazas grupo A2 ou asimilado	46,80 euros
Prazas grupo C1 ou asimilado	36,40 euros
Prazas grupo C2 ou asimilado	26,00 euros
Prazas grupo A.P ou asimilado	15,60 euros
Probas para contratación temporais	3,12 euros
FOTOCOPIAS DE PLANOS E DOCUMENTOS TÉCNICOS	
Por folio tamaño DIN A-4	0,16 euros
Por folio tamaño DIN A-3	0,31 euros
Por folio tamaño DIN A-4 na biblioteca	0,16 euros
Por copias a color	1,56 euros
Información impresa por ordenador (sen fotografías)	0,16 euros
Compulsa destes documentos, por folio	0,52 euros
DOCUMENTOS RELATIVOS A URBANISMO	
Certificado condicións urbanísticas	62,40 euros
Outros informes urbanísticos	31,20 euros
Outros certificados urbanísticos	52,00 euros
Tramitación do expediente que determine o carácter público ou privado dos camiños	249,60 euros
OUTROS DOCUMENTOS	
Exemplar ordenanzas fiscais	24,96 euros
Bastanteo poderes	24,96 euros
Certificado acordos municipais, ano en curso	10,40 euros
Certificado acordos municipais, anos anteriores	12,48 euros
Expedición de certificados emitidos pola policía local	10,40 euros
Expedición atestados emitidos pola policía local	31,20 euros

*ARTIGO 6º BENEFICIOS FISCAIS E BONIFICACIÓNS*

Gozarán de exención aqueles contribuíntes no que concorran algunha das seguintes circunstancias:

- Ter obtido o beneficio xudicial de pobreza, respecto os expedientes que deben surtir efecto, precisamente no procedemento xudicial no que foran declarados pobres.
- Investigadores, estudantes e organizacións non gubernamentais sen afán de lucro, así como os servizos prestados para prover os interesados da documentación necesaria para ter acceso a prestacións sociais. No caso de investigadores estudantes e organizacións non gubernamentais sen afán de lucro acreditarase o interese, investigación ou estudo a realizar.

*ARTIGO 7º DEVENGO:*

Devéngase a taxa e nace a obriga de contribuir cando se inicie a prestación dos servizos suxeitos a gravame, entendéndose, a estes efectos, que dita iniciación prodúcese coa solicitude de aqueles.

**ARTIGO 8º DECLARACIÓN E INGRESO**

1.—A taxa esixirase en réxime de autoliquidación.

2.—Os escritos recibidos polos conductores o que fai referencia o artigo 66 da Lei de Procedemento Administrativo, que non veñan debidamente reintegrados, serán admitidos provisionalmente, pero non poderá dárseles curso sen que se enmende a deficiencia, polo que se requerirá o interesado para que, no prazo de 10 días abone as cotas correspondentes co apercibimento de que transcorrido o prazo sen efectualo, se terán os escritos por non presentados e será arquivada a solicitude.

**ARTIGO 9º INFRACCIÓNS E SANCIÓNS**

En todo o relativo á cualificación de infraccións tributarias, así como das sancións que as mesmas correspondan en cada caso, estarase o disposto nos artigos 181 e seguintes da Lei Xeral Tributaria.

**DISPOSICIÓN FINAL**

A presente Ordenanza entrará en vigor o día seguinte da súa publicación no Boletín Oficial da Provincia e comenará a aplicarse a partir do un de xaneiro de 2012, permanecendo en vigor ata a súa modificación ou derogación expresa.

Contra a presente Ordenanza cabe recurso contencioso-administrativo na forma e prazos determinados na Lei 29/98 da Xurisdicción Contencioso Administrativa.

**10) ORDENANZA FISCAL DO IMPOSTO SOBRE BENS INMOBLES.**

En virtude dos artigos 59.1 e 78 e seguintes do Real Decreto 2/2004, de 5 de marzo por o que se aproba o Texto Refundido da Lei Reguladora das Facendas Locais e según o disposto nas Leis de Orzamentos do Estado quedan fixados nos termos que se establecen nos artigos correspondentes desta Ordenanza as normas reguladoras do Imposto sobre Bens Inmóbles.

**ARTIGO PRIMEIRO.—NORMATIVA APLICABLE:**

O imposto sobre bens inmóbles rexirase por o desposto con relación ao memos no Real Decreto Lexislativo 2/2004, de 5 de Marzo, polo que se aproba o texto refundido da lei reguladora das Facendas Locais, e polas demais disposicións legais e regulamentarias que complementen e desenrolen e por a presente Ordenanza Fiscal.

**ARTIGO SEGUNDO.—FEITO IMPOÑIBLE:**

2.1 Constitue o feito imponible do imposto a titularidade dos seguintes dereitos sobre os bens inmóbles rústicos e urbáns e sobre os inmóbles de características especiais:

- a) Dunha concesión administrativa sobre os propios inmóbles ou sobre os servicios públicos a que estén afectos.
- b) Dun dereito real de superficie.
- c) De un dereito real de usufructo.
- d) Do dereito de propiedade.

2.2 A realización do feito imponible que corresponda, dos definidos no artigo 2º pola orde establecida, determinará a non suxeición do inmóble ás restantes modalidades no mesmo previstas.

2.3 Aos efectos deste imposto terán a consideración de bens inmóbles rústicos, de bens inmóbles urbanos e de bens inmóbles de características especiais os definidos como tales nas normas reguladoras do Catastro Inmobiliario.

2.4 Non están suxeitos o imposto:

- As estradas, os camiños, as demais vías terrestres e os bens de dominio público marítimo-terrestre e hidráulico, sempre que sexan de aproveitamento público e gratuito.